

Das Sechste Capitel/ Ein breyte/ oder  
Lenge mit beyderley Form des Jacob  
Stabs zumessen.

**I**n aller gestalt/ form vnd weise/ wie du inn dem obgemelten  
zweyten Capitel gelehrt bist/ ein Höhe eines dings mit deinem  
Jacobs Stabe zumessen/ Also mustu dich mit allen dingen  
auch halten/ nichts außgenommen/ so du ein breyte oder lenge eines  
dings wissen wilt/ Allein daß du das klein Stäblin auff die seiten/ der  
Breyte nach/wenden must.

Auff das nimb diß Exempel.

Ich wil messen wie breyt ein Rahme/ ein Thurn/ ein Fenster/ ein  
Thür oder Hauß ist/ so steck ich das Stäblin der ersten Form/ in ein  
Loch im grossen Stabe/ oder lege das klein Stäblin/ der zweyten For-  
me/ in ein kerffe des langen Stabs/ Demnach kehre ich den Stab auff  
die seiten/ Also daß ein end des kleinen Stäblins gegen der lincken  
Handt gekehrt vnd gestellt sey/ Als dan setz deinen Stab an das Auge/  
gehe fürsich oder hinder sich/ als lang bis du das ding/ des breyte du  
wissen wilt/ auff der rechten seiten auff dem Stabe der ersten Form  
gerad ersihest/ Dergleichen auff der spiz des kleinen Stäblins/ vnd  
als bald in einem Gesicht behaltest/ als ob zwo linien auß deinem Aug/  
auff jede seite eine/ gerad vnd eygentlich gezogen weren zu end des dings  
ges/ das du wissen wilt.

So das geschehen/ so zeichne deinen Stand darauff du stehest/ dan  
gehe abermal hinder sich oder fürsich/ als lang bis du die zwey ende der  
breyte widerumb gerad ersihest.

Wann du des gewis bist/ so zeichne die zweyte statt auch neben deis-  
nem Fuß/ gerad in die mitte. So dz auch geschehen/ so miß eygentlich  
die weite zwischen dem ersten vnd zweyten Stand/ Vnd wie weit das  
selb mittel ist/ so breyt ist das ding das du gemessen hast. Vnd merck  
eygent

Ⓞ

eygent